

խարհի Կրիկեցւոց . մինչ կանայքն եւս գրեին  
եւ ընթեռնուին :

«Ի հին պատմութեան Ստոյ լուայ, թէ  
Բարձրարեւոյցի Կոստանդին քահանայի դուստր  
Զապէլ կոչեցեալն պաշտէր զմանրուսումունս,  
եւ էր հմուտ ընթերցողութեան եւ արուեստին  
գրչութեան» :

«Ըստ այսմ օրինակի ասեն, թէ էր կոյս  
մի ի Տարսոն, եւ անունն Ալիծ, եւ որ նա էր  
գրագիր յոյժ հմուտ : Գրեաց զայրուրենս եւ  
ասաց, թէ ով ոք որ ամա նմանեցնէ, նա է իմ  
տեսոյն արժանի : Որ եւ գրեալ՝ բերեն գեր-  
կուքն, ոչ հաւանեալ ասէ՝

«Մայրն Զային, Ծակն Ծային

«Զի նմանիր գիրն Ալիծին» :

Եւ գարձեալ ասէ վասն ուղղացն, թէ ով  
որ գրէ

«Մայրն Զային, Ծակն Ծային

«Նա կու լինի փեսայ Ալիծին» :

\* \* \*

Հ. Ղեւոնդ Ալիշան կը յիշէ մէկ ուրիշ Ա-  
լիծ եւս, որ էր «Կին Սենեկալին Կիպրոսի», որ  
«տայր գրել աւետարանս եւ կտակարանս ձե-  
ռամբ ճարտար ՍՏԵՓԱՆՆՈՍԻ ԳՈՅՆ-ԵՐԻ-  
ՅԱՆՅ» :

\*

Շահ-Խաթունեան հին գրչագրի մը մէջէն  
արտագրեր է ժ. դարէն առաջուան հայկական  
բանակի կազմի ծրագիր-պլանը : Այս վերջին  
աստիճանի հետաքրքրական վաւերագրին գրը-  
չագրողը մի տիկին է, անունն ալ ՏԻՐԱՄԱՅՐ,  
որ կը կարծուի — կ'ըսէ Ալիշան — «քահանա-  
յի մը մայրը լինի» :

\*

ՍիՄէոն անունով մէկ ԳՐԻՉ եւ ԾԱՂԿՈՂ  
1335ին սկսեր է գեղագրել «Ճառընտիր» մը Կի-  
լիկիոյ ԳԱՆՁԻ ամբոցին մէջ, որը յետոյ շա-  
րունակեր եւ աւարտեր է իր քոյրը՝ ՃՈՀԱՐ,  
Խոզկրտի գիւղի Ս. Հոգի եկեղեցիին համար :

\*

1637-ին Մարիանէ անունով մէկ կոյս եւս  
արտագրեր է Յակոբ Ղըրմեցու «Օրացայցիմ  
մեկնութիւնը» :

\*

1650-ին մէկ ուրիշ Մարիանէ ալ, Արկոչ

գիւղին մէջ արտագրեր է մէկ «Վարք Հարանց  
Անապատականց» :

\*

1653-ին Հալի Չորի Սուրբ Կոյս Աստուա-  
ծածին վանքին մէջ քոյր Հոփսիմէ արտագր-  
րեր է մէկ «Մեկնութիւն Ժամագրքի» մէկ «Նա-  
րեկացի» եւ մէկ ալ «Խոսրով Մեծն» մը :

\*

1655-ին, ԿՈՅՄ ՎԱՍՎԱՍԻ արտագրեր է  
«Ժամագրքը» մը, ուր կայ Աստուածածնի ե-  
րեւումը Սբ. Գրիգորին :

\*

1657-ին ՎԱՐԳԵՆԻ անունով ապաշխարող  
մը արտագրեր է «Սանդուխտի գիրքը» :

\*

Շնհերի վանքին մէջ ԳՈՅՐ ԷՐԻՆԷ 1673-ին  
արտագրեր է մէկ «Ատեանի Ժամագրքը» :

\*

Նոյն 1673-ին, ԳՈՅՐ ՄԱՐԻԱՄ արտագրեր  
է Գրիգոր Տաթեւացու մէկ «Ոսկեփորիկ» :

\*

1684-ին ԿՈՅՄ ՎԱՍՎԱՍԻ Փոքր Սիւնեաց  
վանքին մէջ արտագրեր է Գրիգոր Տաթեւացու  
«Ճառընտիր Քարոզները» :

\*

1688-ին ՇՕՈՍՏԻ (Հին Շահառ) Ս. Կոյս  
Աստուածածին վանքին մէջ ԳՈՅՐ ԳՈՀԱՐԻՆԷ  
կամ ԳՈՀԱՐ արտագրեր է Գրիգոր Նարեկացիի  
«աղօթից գիրքը» :

\*

Այս միւսնոյն վանքին մէջ ԳՈՅՐ ՇՈՒՇԱՆ  
1664-ին արտագրեր է «Խորենացիի» եւ «Եղի-  
շէի» պատմութիւնները :

\*

1773-ին ԲՐԱԲԻՈՆ արտագրեր է Ալեք-  
սանդր Գալամատոյի «Les forets des nou-  
velles meditations» գիրքը :

\*

Մի ապաշխարող ՀԵՂԻՆԷ եւս նոյն տարին  
արտագրեր է «Ղուկասի Աւետարանին մէկ  
մեկնութիւնը»՝ ըստ Իգնատիոս վարդապետի :

\*

ՅՈՒՍՏԻՆԷ անունով կոյս մը արտագրեր է  
«Անաստաս Երէցի աղօթքները», «Սբ. Եփրե-  
մի աղօթքները» եւ մէկ ալ «Ժամագրքը» :

\* \* \*